

靈寶領教濟度金書卷之八十八

洞微高士開光救苦真人寶金書授

靈寶通玄弘教水南先生林豐其編

科儀立成品青玄齋用

上朱表儀

燒香頌

各禮師存念如法

太玄啓具 萬靈勸羅 展司逃澤 四童鳴牙

金仙秉鏡 天孫克戈 火厲揚風 水甲道波

冲落九天 洗滌玄河 流獸毒蛇 鷹鷂擊摩

山精伏滅 九象交和 鹹斬千妖 齋熟擊華

金威鎮落 六天凋殂 三元告命 萬靈是呵

四明闕召 請錄帝圖

鳴法鼓二十四通

无上三天玄元始三炁太上虛无道君召出

臣等身中三五功曹左右官使者侍香金童

傳言玉女五帝直符直日香官各三十二人

出出者嚴裝關啓玄壇天帝神君當召此間

土地里域真官正神急上關啓臣今奉為

壽其諸情相詳載狀文以今陞壇拜進丹

相願得太上十方正真道炁靈寶妙光下降
流入臣等身中令臣所啓之誠速達徑御
太上天極大道至真玉皇上帝御前

請稱法位

具位臣某謹重誠上啓

東極青玄老君太乙救苦天尊運明保元上

帝十方分身應化救苦天尊大慈大悲救苦

真人大惠真人十華境界裝嚴無極之團應

號真人東華溥救真人九天普度院三十六

真人東華注生官真人玄中大法師三天大

法師青玄黃籙九司真衆三界應感一切具

靈臣聞七寶齋林長樂耀青華之界九光蓮

座妙嚴闢蒼藹之區慈雲凝妙於東諸法雨

飛玄於北朔靈光洞朗分一炁而上接清微

聖化昭宣統萬神而中連紫極十方遍滿三

際皈依臣以宿蘊福基幸生昌運野馬風葩

之混混肯遂早樓翔龍雲素之玄玄苦勤身

佩得一未符於經緯存三徒仰於雌雄宴坐

參真敢守空山而自足經行翔教惟嚙逆水

以同流庸提九地之幽適沛三天之經行今有

其人崇建

青玄妙齋開度亡故某人進拜故苦拔罪朱

表期微聖澤俯軫愚克仰青林之彌羅中凝

瓊闕拱赤天之鬱勃上企瑤墀鳳鸞威八陞

之深虎豹嚴九關之衛匪由神運莫遂靈通

豁落九靈耀金光於絳室混合二炁騰玉彩

於玄宮飛龍清碧漢之塵驛馬策黃中之試

容巨螭均綴武獅承承顏枝灑空青甘露適

滿於幽戶室凝虛白理風密運於生門遂微

臣造請之勤副齋主皈依之切臣下情不勝

激切之至

重鳴法鼓二十四通簡閱吏兵行事

謹出臣身中玉門紫戶三十九關上真靈官

三部八景二十四真五體真官丹元真人上

清虛无自然左右領仙玉郎飛仙玉虛侍郎

各二十四人出五帝五色元皇太真飛龍功

曹上元功曹飛行功曹各二十四人出玉虛

飛仙使者太仙使者神仙使者各二十四人

出玉虛金童玉女飛行金童玉女八節直言

直事各二十四人出所治建節監功大將軍

前部効功後部効殺驛庭令驛庭丞四部監功認者上仙上靈二官直使正一功曹左右官使者陰陽神決吏科車赤符吏剛風騎置吏驛馬上章吏飛龍騎吏各二人出出者嚴柴顯服冠帶垂纓整其威儀領仙玉郎冠飛玄玉冠衣九色龍文虎衣執命魔靈幡立左玉虛侍郎冠元晨玉冠衣五色飛仙羽衣執九色靈幡立右飛龍功曹冠九德通天之冠衣九色鳳衣腰帶虎書執召神之符在上飛仙功曹冠九德通天之冠衣五色羽衣腰帶金鈴執攝煞之律在下飛仙使者冠飛天玉冠衣五色斑文之衣手執金符建節在前神使者冠朱陽玉冠衣九光飛仙之衣手執玉版持幢在後玄黃太真功曹使者冠帶羽服金真鳳章詔落七元執玉案對立臣前正一功曹弁朱陽之幘冠通天之冠衣阜綠單衣腰帶虎符齋持玉版建節持幢立臣前後狼吏虎賁察奸勾騎都官僕射天驕甲卒天丁力士治正執政吏收神食神吏收鬼食鬼吏收忝食忝吏收毒食毒吏收邪食邪吏收

精食精吏本靖侍靖仙官金童玉女仙靈官吏一時嚴裝羅列函簿屯駐圍繞受臣詞語分別闕啓玄壇土地四面真官三五功曹左右官使者侍香金童傳言玉女五帝直符直日香官左右龍虎君侍衛靈官四直玉文功曹傳言奏事飛龍驛吏在特用事應感靈官為臣同誠上啓

東極青玄老君太乙救苦天尊運明保元上帝臣一介愚蒙千生欣幸希夷師授玄妙天開贊化育以澤群靈體生成而周三極凡有投告敢不關聞今有某人伏為亡故某人進拜通天拔亡朱表謹遵秘法依科操進伏願功曹使者受事仙靈洞鑿翹勤對臣料理務契玄格上詣金門龍刀瑤環金魚玉厲舒鎮洞案請省表文

宣表 封表

遣表 謹遣臣身中三十九真三部八景五體真官小吏書佐功曹使者神吏眾官顯服嚴裝整其威儀為臣護持表文一通操詣

三天分別進對若有謬誤尋文註改勿令上官典者有所譴却速速徑御

東極青玄老君太乙救苦天尊運明保元上帝玉陛下慎勿稽停當今所請者下所濟者度若有下官故忝於道路雲霧中斷截臣表文使不得上達者錄付天一北獄依玄都鬼律治罪以明天憲臣伏在案左須待玄恩報應

焚詞頌

操伏

重稱法位

具位臣某謹重誠上啓

東極青玄老君太乙救苦天尊運明保元上帝十方分身應化救苦天尊大慈大悲救苦真人大惠真人十華境界裝嚴無極之國應號真人東華溥救真人九天普度院三十六真人東華注生宮真人玄中大法師三天大法師青玄黃籙九司真衆三界應感一切真靈臣聞忝集幽微下教開光於皇極道境空洞上乘飛步於丹元極十華粹穆之尊肅萬

真環拱之御威神應念仰仰御我之流芒慧力
 尋聲瞻虹蜺之映象期露方寸天而凡奏蓋
 借盈尺地以階升臣以班列玄圖名登碧簡
 霄衢寥廓若從目邈以凌兢蕤鬪森嚴獲遂
 意行而妙靈曲蒙善應普賜慈觀玉音琅琅
 敷鳳絳而煥耀瓊顏濯龍御以旁周九
 幽無夜哭之聲三極有陽翹之樂詢美感極
 結草誠禪更願三極昭明百昌茂育皇風遠
 暢帝化遐敷舒白玉毫相於玄峯無所不度
 觀紫金瑞光於丹谷有感皆通

納官

臣上表事竟向來所出身中玉門紫戶仙真
 靈官並從衆妙門而入在左還左在右還右
 九真備守五老保關重扉幽密玉室彌綸功
 曹檢押母令差互後召復到一如故事

舉願

一願乾坤明素二願氣象清玄三願聖君萬
 壽四願化洽八埏五願天垂甘露六願地發
 祥煙七願四時應節八願萬物生全九願家
 多孝悌十願國富才賢十一願齋功廣被十

二願善瑞日錄

復爐

香官使者左右龍虎君侍香諸靈官當令臣
 上表之所自然生金液丹碧芝英百靈衆真
 交會在此洞案爐前今臣體耀金輝斬伐胞
 根七玄拔擢百關備仙解除死籍宴坐泥丸
 東華紀宇策景虛玄十方仙童玉女接待香
 煙傳臣向來所啓之誠速達徑御
 太上无極大道昊天至尊玉皇上帝東極青
 玄老君御前

出堂頌

回靜默堂

靈寶領教濟度金書卷之八十八

靈寶領教濟度金書卷之八十九 九十九同卷 湯二

洞微高士開光救苦真人竊金真授

靈寶通玄弘教水南先生林靈真編

科儀立成品 青玄齋用

宿啓儀

燒香頌

各禮師存念如法

衛靈呪

東方

九炁青天 明星天神 煥照東鄉 洞映九門

轉燭陽光 掃穢除氛 開光童子 號曰玄卿

備衛我軒 上對帝君 收魔束妖 討捕兇羣

奉承正道 赤書玉文 九天符命 攝龍驛傳

普天安鎮 我得飛仙和與道合真

南方

三炁丹天 煥景流光 熒星轉燭 洞照太陽

上有赤精 合契虛皇 開明童子 號曰華芳

總御火兵 備守玉堂 斬邪束妖 剪截魔王

北帝所承 風火衝當 流鈴交煥 翊衛壇場

正炁流行 敢有猖狂 我享上功 坐運魁罡